



## **KOMUNIKADO PA PRENSA**

*Fecha*

2 febrüari 2016

### **UNOPS KU SESHON PA KREA VISHON PA INFRASTRUKTURA DI KÒRSOU**

KU UN METODO KU YAMA EVIDENCE BASED INFRASTRUCTURE DEVELOPMENT FRAMEWORK

**Willemstad** – Manera ya ta konosí, Minister enkargá ku Tráfiko, Transporte i Planifikashon Urbano (mihó konosí komo VVRP), sra. Suzy Camelia-Römer a firma un “Memorandum of Understanding (MoU) ku United Nations Office for Project Services (UNOPS) p’asina asesora Ministerio di VVRP den diferente trabou di infrastruktura.

Un di e terenonan lo ta e desaroyo di un modelo, ku ta musta e konekshonnan entre tur tipo di infrastruktura i kon e cambio den unu lo influensia e otro, un asina yamá “Evidence Based Infrastructure Development Framework” (EBIDF). E modelo aki ta hasi posibel pa desaroya infrastruktura na un manera mas fuerte i duradero.

Esaki ta ensera no solamente infrastruktura tangibel manera kaya, brùg, edifisio, utilidat etc, pero tambe edukashon, seguridat, salubridat i bienestar en general. E EBIDF ta tene cuenta ku diferente senario den futuro, entre otro cambio di klima i su efektonan, kresementu di poblashon i kambionan den región i e ta yuda nos pa plania pa prepara pa esakinan. E benefisionan di e uso di e modelo aki ta entre otro ku nos lo tin garantia ku invershonnan lo kumpli ku nan meta, lokual ta hasi mas fasil pa atrae invershonista. Tambe e modelo lo hasi tomo di desishon mas transparente, kita influensia politiko i alabes sigurá e desaroyo i mehoramento di e país.

E ta ademas un instrumento ku ta garantisá ku e poko rekursonan disponibel ta keda bon invertí. Den e kuadro aki Ministerio di VVRP huntu ku UNOPS a organisá un seshon ku tin komo meta pa gana apoyo serka timnan di maneho di diferente Ministerio i tambe otro stakeholders relevante, pa asina krea den forma integral stipulá un vishon i kuadro di funshonamentu duradero pa e manera ku ta organisá e infrastruktura di Kòrsou..

Pa mas informashon di tur e desaroyonan rondó di Minister Camelia-Römer su akshonnan por bishita e página di Facebook “Minister Suzy Camelia-Römer”.